

Na osnovu člana 18. Zakona o udruženjima i fondacijama („Službene novine Federacije BiH“, broj 45/02), Skupština Udruženja posrednika u osiguranju u Federaciji Bosne i Hercegovine, na trećoj sjednici održanoj 10.03.2012.godine u Sarajevu, donosi

S T A T U T

(prečišćeni tekst)

„Udruženje posrednika u osiguranju i društava za registraciju i prevod motornih vozila“

Opće odredbe

Član 1.

- (1) Ovim statutom uređuje se: naziv i sjedište udruženja; ciljevi i djelatnost udruženja; zastupanje i predstavljanje udruženja; organi udruženja, njihove ovlasti, način imenovanja i opoziva, trajanje mandata, kvorum i pravila glasanja; oblik i sadržaj pečata udruženja; sticanje i raspolaganje imovinom; način donošenja finansijskog izvještaja i izvještaja o radu; postupak za donošenje, izmjenu i dopunu statuta i drugih općih akata udruženja; uvjete i način učlanjenja, prestanak članstva, kao i prava i dužnosti članova i njihove odgovornosti; uvjeti i postupak za pripajanje, razdvajanje, transformaciju ili prestanka rada udruženja; pravila za raspodjelu preostale imovine u slučaju prestanka rada udruženja.

Naziv i sjedište

Član 2.

(1) Puno ime Udruženja je:

„Udruženje posrednika u osiguranju i društava za registraciju i prevod motornih vozila“

(2) Skraćeni naziv Udruženja je:

„Udruženje posrednika u osiguranju i društava za registraciju i prevod m.v.“

(3) Sjedište Udruženja je u Sarajevu, na adresi Dejzina Bikića 2D-3

Ciljevi

Član 3.

(1) Ciljevi Udruženja su:

- a) međusobno povezivanje članova Udruženja u cilju unapređivanja i razvoja posredovanja u osiguranju i društava za registraciju i prevod motornih vozila i tehnologije rada u primjeni savremenih tehnoloških i tehničkih dostignuća;
- b) razmjena iskustava među članovima i promoviranje posredovanja u osiguranju i društava za registraciju i prevod motornih vozila putem glasila i drugih stručnih publikacija radi ostavarivanja ciljeva Udruženja;

Djelatnost

Član 4.

(1) Djelatnosti Udruženja su:

- a) proučavanje i praćenje stanja o kretanjima razvoja posredovanja u osiguranju, registraciji i prevodu motornih vozila, te aktuelnim pitanjima iz ove oblasti;
- b) stručno usavršavanje i pružanje pomoći članovima putem organizovanja seminara, savjetovanja, kurseva, treninga i dr.;
- c) pokretanje inicijative kod nadležnih organa za donošenje i izmjene zakonskih propisa iz oblasti posredovanja u osiguranju i registraciji i prevodu motornih vozila;
- d) prikupljanje i evidencija statističkih podataka od zajedničkog interesa za članove Udruženja;
- e) predstavljanje članova na međunarodnim skupovima;
- f) saradnja sa sličnim Udruženjima i drugim organima i organizacijama u zemlji i inozemstvu;
- g) obavljanje drugih poslova u okviru Udruženja u skladu sa Zakonom;

Član 5.

- (1) Udruženje je nevladina, neprofitna i nezavisna organizacija.

Član 6.

- (1) Udruženje djeluje na području Federacije Bosne i Hercegovine i šire, u skladu sa Zakonom.

Zastupanje i predstavljanje

Član 7.

Udruženje zastupa i predstavlja predsjednik Upravnog odbora.

Organi Udruženja

Član 8.

Organi Udruženja su:

- 1) Skupština i
- 2) Upravni odbor

1) Skupština

Član 9.

- (1) Skupština Udruženja:
 - a) donosi statut, izmjene i dopune statuta i druge akte određene statutom;
 - b) daje suglasnost na pravne radnje poduzete u postupku osnivanja Udruženja;
 - c) bira i opoziva predsjednika i članove Upravnog odbora;
 - d) usvaja izvještaje koje je pripremio Upravni odbor ili lice ovlašteno za zastupanje i predstavljanje;
 - e) odlučuje o udruživanju u saveze, pripajanju, razdvajanju, transformaciji, prestanku rada i drugim statusnim promjenama Udruženja;
 - f) donosi poslovnik o svom radu;
 - g) donosi programe rada;
 - h) donosi finansijski plan i usvaja završni račun;
 - i) bira lice koje će obaviti poslove upisa u registar udruženja;
 - j) bira lica ovlašteno za zastupanje i predstavljanje;
 - k) odlučuje o svim pitanjima koja nisu u nadležnosti drugog organa Udruženja.

Član 10.

- (1) Skupština se sastoji od svih članova Udruženja.
- (2) Članovi Skupštine ne dobijaju platu za svoj rad u Skupštini.
- (3) Za rad Skupštine potreban je kvorum od $\frac{1}{2}$ ukupnog broja članova.
- (4) Član Skupštine će biti isključen iz Skupštine odlukom Skupštine ako on/a napusti Udruženje ili ako ne djeluje u skladu s pravilima ponašanja.
- (5) Odlukom Skupštine bira se predsjedavajući Skupštine koji je odgovoran za sazivanje i predsjedavanje sjednicama Skupštine.
- (6) Trajanje mandata članova Skupštine je četiri godine.
- (7) Skupština se sastaje najmanje jednom godišnje.
- (8) Konstituiranje Skupštine, način rada i sva druga bitna pitanja vezana za rad Skupštine regulirana su poslovnikom o radu Skupštine.

Član 11.

- (1) Skupštinu Udruženja saziva predsjedavajući Skupštine na prijedlog Upravnog odbora.
- (2) Redovne sjednice Skupštine se održavaju najmanje jednom godišnje, a vanredne prema potrebi.
- (3) Vanrednu sjednicu Skupštine saziva predsjedavajući na zahtjev Upravnog odbora ili na zahtjev $\frac{2}{3}$ članova Skupštine Udruženja.

Član 12.

- (1) Skupština može zasjedati ako je prisutna $\frac{2}{3}$ većina članova Skupštine.

- (2) Punovažne odluke se donose ako za njih glasa natpolovična većina prisutnih članova, osim odluka koje se odnose na član 7. alineja (a) i (e) za koje je potrebna 2/3 većina ukupnog broja članova Skupštine.
- (3) Skupština donosi odluke javnim glasanjem.
- (4) Radom Skupštine rukovodi predsjedavajući Skupštine.

2) Upravni odbor

Član 13.

- (1) Upravni odbor je izvršni organ Skupštine Udruženja koji u okviru svoga rada ima slijedeće nadležnosti:
 - (a) priprema sjednice Skupštine;
 - (b) priprema i predlaže nacrt izmjena statuta i drugih akata koje donosi Skupština;
 - (c) provodi politiku, zaključke i druge odluke koje je donijela Skupština;
 - (d) upravlja imovinom Udruženja;
 - (e) podnosi godišnje ili periodične izvještaje o svom radu Skupštini na usvajanje;
 - (f) određuje specifične prioritete Udruženja;
 - (g) donosi interventne mjere i aktivnosti iz djelokruga rada Udruženja, kada se objektivno ne može čekati sazivanje Skupštine;
 - (h) donosi poslovnik o svome radu;
 - (i) donosi akte vezane za rad Udruženja;
 - (j) obrazuje komisije za pojedine oblasti;
 - (k) utvrđuje prijedloge akata koje donosi Skupština;
 - (l) formira posebna, privremena i stalna radna tijela za obavljanje konkretnih poslova;

- (m) obavlja i druge poslove koje proizlaze iz ovog statuta i odluka Skupštine Udruženja.

Član 14.

- (1) Upravni odbor imenuje Skupština.
- (2) Upravni odbor se sastoji od predsjednika i četiri člana.
- (3) Mandatpredsjednika i članova Upravnog odbora je četiri godine sa mogućnošću reizbora.
- (4) Mandat predsjednika i članova Upravnog odbora počinje od dana imenovanja na sjednici Skupštine.
- (5) Predsjedniku ili članu Upravnog odbora može prestati mandat i prije isteka roka na koji je izabran:
 - a) podnošenjem pismene ostavke;
 - b) ukoliko nastupe uslovi zbog kojih nije više u mogućnosti obavljati povjerenu dužnost;
 - c) ako bude razriješen dužnosti.
- (6) Opozivpredsjednika i članova Upravnog odbora vrši se na način i po postupku predviđenom za njegov izbor.
- (7) Mandat naknadno izabranog člana Upravnog odbora traje do isteka mandata zamijenjenog člana.
- (8) Predsjednik i članovi Upravnog odbora mogu biti osobe koje iskazuju interes zaoblast osiguranja i registracije i prevoda motornih vozila, te su posvećeniosiguranju imovine i lica, razvoju društva i/ili namicanju sredstava i imenuju se iz reda registriranih zastupnika i članova.

Član 15.

- (1) Upravni odbor punopravno odlučuje ako mu prisustvuje 2/3 članova.
- (2) Odluke se donose prostom većinom glasova prisutnih članova.
- (3) Način rada Upravnog odbora, sazivanje i vođenje sjednica, te druga bitna pitanja regulirat će se Poslovníkom o radu Upravnog odbora.

Član 16.

- (1) Radom Upravnog odbora rukovodi predsjednik Upravnog odbora kojeg bira Skupština.
- (2) Upravni odbor odlučuju o svim pitanjima iz svoga djelokruga rada.
- (3) Sjednice Upravnog odbora održavaju se po potrebi, a najmanje četiri puta godišnje.
- (4) Sjednicama Upravnog odbora predsjedava predsjednik, a u njegovoj odsutnosti član Upravnog odbora kojeg on ovlasti.

Član 17.

- (1) Predsjednik Upravnog odbora u okviru svoje funkcije obavlja sljedeće zadatke:
 - a) organizuje rad i rukovodi poslovanjem Udruženja;
 - b) odgovara za zakonitost rada i poslovanja Udruženja;
 - c) zastupa i predstavlja Udruženje;
 - d) donosi odluke o formiranju i ukidanju kancelarija, ogranaka ili drugih organizacionih oblika;
 - e) predlaže plan i strategiju razvoja Udruženja;

- f) predlaže plan poslovanja;
 - g) naredbodavac je za finansijska plaćanja;
 - h) u okviru svojih nadležnosti donosi odluke, izdaje uputstva i naloge;
 - i) formira posebna, privremena i stalna radna tijela za obavljanje konkretnih poslova;
 - j) priprema akte koje usvaja Upravni odbor;
 - k) provodi odluke i zaključke Upravnog odbora;
 - l) podnosi godišnje i periodične izvještaje i završni račun Upravnom odboru;
 - m) određuje lice koje ga zamjenjuje u njegovoj odsutnosti;
 - n) saziva sjednicu Upravnog odbora na osnovu lične procjene i na pisani zahtjev više od polovine članova Upravnog odbora;
 - o) stara se o provođenju odluka Skupštine i Upravnog odbora Udruženja, u smislu pravovremenosti i zakonitosti istih;
 - p) na osnovu odluke Upravnog odbora predlaže sazivanje sjednice Skupštine;
 - r) obavlja i druge poslove iz djelokruga rada Udruženja i Upravnog odbora;
- (2) Za svoj rad predsjednik Upravnog odbora odgovoran je Upravnom odboru i Skupštini.

Član 18.

- (1) Upravni odbor za svoj rad odgovoran je Skupštini Udruženja.
- (2) Skupština može opozvati predsjednika i člana Upravnog odbora i prije isteka mandatana koji je izabran, ako ne obavlja dužnost u skladu sa odredbama ovog statuta.

- (3) Skupština može opozvati i cijeli Upravni odbor ako zbog neodgovornosti i neznanja u pripremi zadataka iz programa rada Skupštine nastupe veoma teške posljedice po Udruženje.
- (4) Predsjednik Upravnog odbora podnosi Skupštini izvještaj o radu Upravnog odbora.

Član 19.

- (1) Član Upravnog odbora ima pravo i obavezu:
 - a) prisustvovati sjednicama, predlagati, raspravljati i glasati u vezi sa sadržajem dnevnog reda;
 - b) obavljati sve druge poslove i zadatke koje postavi Upravni odbor.

Pečat i štambilj

Član 20.

- (1) Pečat Udruženja je okruglog oblika prečnika od 32 mm te sadrži ime Udruženja u koncentričnim krugovima.
- (2) Štambilj Udruženja je pravougaonog oblika dimenzija 50x25 mm i sadrži ime Udruženja, prostor za broj protokola i datum prijema pismena.

Sticanje i raspolaganje imovine

Član 21.

- (1) Prihodi Udruženja su:
 - a) članarine;
 - a) dobrovoljni priloz i pokloni javnih institucija, fizičkih ili pravnih lica, kako inostranih tako i domaćih, u gotovini, uslugama ili imovini bilo koje vrste;
 - c) državne subvencije i ugovori sa državom, javnim institucijama, fizičkim ili pravnim licima, kako domaćim tako inostranim;
 - d) doprinosi i donacije vladinih i nevladinih organizacija;
 - f) drugi izvori finansiranja koji su u skladu sa Zakonom.

Član 22.

- (1) Udruženje ima svoj bankovni račun.
- (2) Udruženje vodi knjigovodstvo i sastavlja odgovarajuće finansijske izvještaje.

Član 23.

- (1) Udruženje slobodno raspoložuje finansijskim sredstvima u skladu sa usvojenim finansijskim planom i odlukama organa Udruženja.

Član 24.

- (1) Udruženje je dužno uredno voditi poslovne knjige u skladu sa opšte prihvaćenim računovodstvenim principima i sastavljati finansijske izvještaje u skladu sa relevantnim zakonima.

Član 25.

- (1) Na prijedlog predsjednika Upravnog odbora, Upravni odbor utvrđuje prijedlog finansijskog izvještaja i izvještaja o radu i isti dostavlja Skupštini na razmatranje i usvajanje.

Član 26.

- (1) Udruženje može obavljati privrednu djelatnost radi ostvarivanja ciljeva iz člana 3.ovog Statuta u skladu sa Zakonom.
- (2) Udruženje može osnovati posebno pravno lice koje će obavljati nesrodnu privrednu djelatnost u skladu sa odredbama člana 4.tačka 2. Zakona o Udruženjima i fondacijama i drugim zakonskim propisima.
- (3) Odluku o formiranju posebnog pravnog lica iz stava 2. ovog člana donosi Skupština Udruženja, na prijedlog Upravnog odbora.
- (4) Dobit koja se ostvari putem obavljanja privredne djelatnosti koristi se za realizovanje ciljeva Udruženja.

Javnost rada

Član 27.

- (1) Rad Udruženja je javan i transparentan.
- (2) Udruženje je dužno omogućiti nadzor nad zakonitošću rada nadležnom ministarstvu.

Članstvo u udruženju

Član 28.

- a) Udruženje čine njegovi članovi i to:
 - a) redovni članovi;
 - b) počasni članovi.

Član 29.

- (1) Svojstvo člana Udruženja mogu steći fizička i pravna lica registrovana na teritoriji Federacije Bosne i Hercegovine koja obavljaju djelatnost posredovanja u osiguranju i pravna lica koja obavljaju djelatnost registracije i prevoda motornih vozila.
- (2) Osnivači stiču svojstvo člana Udruženja danom upisa Udruženja u Registar kod nadležnog Ministarstva pravde FBiH.
- (3) Lica iz stava 1. ovog člana imaju pravo da pismenim zahtjevom od Upravnog odbora zatraže prijem u članstvo u kome će se, između ostalog, izjasniti i da podržava ciljeve Udruženja i prihvataju Statut Udruženja.

- (4) Pravnalica koja žele da se učlane u Udruženje uz pisan zahtjev zaprijem u članstvo Udruženja prilažu izvode iz registra organa kod kojega su registrovani.
- (5) Upravni odbor mora dostaviti odgovor na zahtjev podnosioca najkasnije tri mjeseca od dana podnošenja zahtjeva i to u pismenoj formi, pri tome ocjenjujući da li kandidat pored općih uvjeta ispunjava i posebne uvjete za članstvo određene ovim statutom.
- (6) Na odluku Upravnog odbora dozvoljena je žalba koja se izjavljuje Skupštini u roku od 8 dana od dana prijema iste.

Član 30.

- (1) Članstvo u Udruženju je dobrovoljno.

Član 31.

- (1) Članovi Udruženja imaju slijedeća prava i obaveze:

- a) da biraju i da budu birani u organe Udruženja;
- b) da aktivno učestvuju u ostvarivanju ciljeva Udruženja;
- c) da budu redovno i blagovremeno obavješteni o aktivnostima Udruženja;
- d) da saraduju sa ostalim članovima Udruženja;
- e) da čuvaju i podižu ugled Udruženja;
- f) da uredno plaćaju članarinu i izvršavaju preuzete obaveze;
- g) da ostvaruju druga prava i dužnosti utvrđena ovim Statutom i opštim aktima Udruženja.

Član 32.

- (1) Članu koji postupi suprotno ciljevima i Statutu Udruženja mogu se izreći mjere opomene, ukora, suspenzije do maksimalno šest mjeseci i isključenje iz Udruženja. Protiv prvostepene odluke može se izjaviti žalba Skupštini Udruženja.
- (2) Postupak protiv člana se pokreće na zahtjev bilo kojeg člana Udruženja, a provodi ga Disciplinska komisija koju imenuje Upravni odbor.
- (3) Postupak pred Disciplinskom komisijom uređuje se Pravilnikom o disciplinskoj odgovornosti koji donosi Upravni odbor.

Član 33.

- (1) Članstvo u Udruženju prestaje:
 - a) smrću člana;
 - b) samovoljnom odlukom člana o istupanju iz Udruženja;
 - c) pravosnažnom odlukom o isključenju člana iz Udruženja i
 - d) prestankom pravnog subjektiviteta člana koji ima svojstvo pravnog lica.

Član 34.

- (1) Za počasne članove Udruženja mogu se proglasiti sva lica koja su svojim radom i djelovanjem u provođenju projekata Udruženja dala značajan doprinos.
- (2) Odluku o proglašenju određenih lica za počasne članove Udruženja donosi Upravni odbor.

Pripajanje, razdvajanje, transformacija udruženja

Član 35.

- (1) Udruženje se može pripojiti, razdvojiti i transformirati ukoliko 2/3 članova Skupštine odluči da se Udruženje pripoji, razdvoji ili transformira u drugo Udruženje;

Prestanak rada Udruženja i raspodjela imovine za slučaj prestanka rada Udruženja

Član 36.

- (1) Udruženje prestaje sa radom dobrovoljno ili po sili zakona.
- (2) Udruženje prestaje sa radom dobrovoljno ukoliko 2/3 članova Skupštine donese odluku o prestanku rada Udruženja.
- (3) Udruženje prestaje sa radom po sili zakona:
 - a) ako je proteklo dvostruko više vremena od vremena utvrđenog Statutom Udruženja za održavanje Skupštine, a Skupština nije održana;
 - b) ako se broj članova udruženja smanji ispod broja određenog Zakonom za osnivanje udruženja, a Skupština udruženja u roku od tri mjeseca od dana nastupanja ove okolnosti ne donese odluku o prijemu novih članova.

Član 37.

- (1) U slučaju raspuštanja ili prestanka rada Udruženja, Skupština Udruženja donosi odluku o raspodjeli preostale imovine i drugih sredstva do dana donošenja odluke o prestanku rada Udruženja.
- (2) Skupština je prije raspodjele preostale imovine dužna izmiriti sve svoje obaveze prema trećim licima iz preostale imovine Udruženja.
- (3) Preostala imovina će se nakon prestanka rada Udruženja dodijeliti drugom Udruženju koje obavlja istu ili sličnu statutarnu djelatnost.

Završne odredbe

Član 38.

- (1) Statut Udruženja donosi Skupština.
- (2) Prijedlog izmjena i dopuna na tekst Statuta priprema i utvrđuje Upravni odbor Udruženja.

Član 39.

- (1) Tumačenje odredaba ovog Statuta daje Skupština Udruženja.

Član 40.

- (1) Ovaj Statut stupa na snagu danom upisa u registar kod nadležnog organa.

10.03.2012. godine

Predsjedavajući Skupštine

Vedran Hadžić